

Hoc situs est tumulo Gerardus nomine Ranzou,
Magnanimo Paulo qui patre natus erat.
Cimbria quem genuit, rapuit Fionia, quinque
Dum numerat vitæ lustra peracta suæ.
Italiæ fuit hic iuuenis versatus in oris,
Nec minus huic etiam Gallia nota fuit.
Acquaturus erat simili virtute parentem,
Ni fera rupisset stamina Parca manu.
Huius ob interitum planxit Rex Danicus, atque
Non minus Holfati condoluere Duces,
Quòd sic ante diem miserando stebilis ictu,
Dum nimis audacter dimicat, ense cadit.
Discite non temerè iuuenes configere dextrâ,
Mortem pro ludo Mars quia dirus habet

Henricus Ranzouius
patruus.

Aliud

Flos cadit, auroræ modò qui fulgebat ad ortum,
Præterit exiliens fornice riuus aquæ.
Imbre tumet grauido, sed mox vaga bulla residit,
Frangitur, & leuitur splendida massa vitri,

Dulcis abit subitò languenti pectore somnus,
Excita cum studio est mens generosa suo.
Vmbra velut speculo leuis euanciscit imago,
Auolat in ventos missus ab ore sonus.
His citius cadit omnis homo, licet omnia fluxa,
Flos, aqua, bulla, vitrum, somnus, imago, sonus.
Quòd subitâ præsens testatur morte Gerardus,
Flos iuuenum, patriæ spes noua, dulce decus.
Henningus Conradinus.

Aliud

Dum nimis audacter confertâ dimico dextra,
Ah miserum, ante diem funeris, ense cado.
Sic fuit in fatis vt tali morte perirem,
Quis scit victorem qualia fata manent?
Pœna Dei lenta est vindicta quæ lenta supremi,
Crastina non abiit, non hodierna dies.
Disce meo exemplo, quicumque es, candide Lector,
Cum socio haud temerè confuisse manum.
In dubio Mars est, sed mors certissima semper,
Nunc hunc, nunc alium, funere dura premens.
Petrus Lindebergius.

Porro, in Franciscanorum Cœnobio, eximia etiam fundatoris aula existit, vbi nunc aluntur docentes omnes, & studiosi pueri Scholæ triuialis, instituto & liberalitate Friderici Secundi Daniæ Regis, vbi etiam Nosocomium Regium, & Placitum huius insulæ generale. In hac etiam ciuitate est Cœnobium D. Ioannis, vbi nunc, defunctis fratribus, Regia Curia existit. Forum est amplum iusticiarium & piscarium, ad cuius orientale latus, quondam ædes D. Gertrudi sacra, planè nunc desolata. Publicum hic etiam cœmeterium existit, quondam ad Monasterium Dominicanorum spectans, quos *Sortebrüder* nuncupabant. Cuius quidem Monasterij templum eleganter ornatum, post fugam fratrum, destructum, reliquis ædificijs, quibusdâ loci Nobilibus distributis. Fuit & hic templum S. Georgij nunc desertum, habens quondam Nosocomium adiunctum. Item Templum D. Virginis, cuius Præpositus & Patronus est Cancellarius Regni Vbi & præcipuam sedem & curiam habet. Palaticum quoque Episcopale Otini fuit, speciosum locum occupans, nunc in ciuium habitationes conuersum. Præter forum piscarium, Est hic etiâ Forum nouum, siue Regium, singulis sabbatinis diebus nundinis celebratum. In isto foro, quondam erat Xenodochium, vulgo, *das Etende haus*. In hoc foro Serenissimo Friderico ij. Daniæ Regi bonæ memoriæ, eiusque filio Christiano, nunc electo Regi Daniæ, homagium præstitum. Hic quoque ab eodem Serenissimo Rege, felicitis recordationis, collatum est feudum Slesuici & Holfatiæ, Ducis Adolpho, & Ioanni fratribus, vt etiam Ioanni iuniori, quæ ætio ad centenos quasi annos quieuerat.